



Resolución da Secretaría Xeral Técnica da Consellería de Política Social, pola que se adxudica a contratación, suxeita a regulación harmonizada, da subministración, instalación e posta en marcha de novas tecnoloxías nos centros públicos de atención a persoas maiores e con discapacidade, de titularidade e xestión propia da Xunta de Galicia, cofinanciado polo Fondo Europeo de Desenvolvemento Rexional no marco do Programa Operativo 2014-2010. (Expediente PA 21/2017).

FEITOS

1.- Mediante Resolución do órgano de contratación aprobáronse os seguintes documentos que rexen a presente contratación:

- Prego de Prescricións Técnicas..... 30 de maio de 2017
- Prego de Cláusulas Administrativas Particulares..... 30 de maio de 2017

2.- O día 30/05/2017 apróbase un gasto de 711.370,49 € para o contrato, con cargo á aplicación orzamentaria 12.04.312D.623.1 dos Orzamentos Xerais da Comunidade Autónoma de Galicia para os anos 2017 e 2018.

3.- O anuncio de licitación deste procedemento foi publicado de acordo co establecido no artigo 142 do Real Decreto Legislativo 3/2011, do 14 novembro, polo que se aproba o Texto refundido da Lei de contratos do sector público. O día 02.06.2017 anunciase no DOUE, núm. 210972-2017, a resolución pola que se convoca a licitación desta contratación, terminando o prazo para presentación de proposicións o día 10.07.2017. O día 15.06.2017 anunciase no DOG núm. 113 a convocatoria e o día 19.06.2017 publicouse no BOE núm. 145 a citada licitación.

4.- As entidades que presentaron proposicións dentro do prazo establecido (sobre A, B e C) de acordo co certificado expedido pola responsable da oficina do Rexistro Único e de Información do complexo administrativo de San Caetano, foron as seguintes:

ENTIDADES LICITADORAS
UTE SEVERIANO SERVICIO MÓVIL SA-MÉDICAL MODULAR SYSTEM SA
SUMINISTROS TÉCNICOS DE GALICIA SL (SUTEGA)
ELECTRONICA NOROESTE SG, SL
UTE BUGADERIA ZURIZURI SL-LOGISTICA & RFID SYSTEMS SL-INFORMÁTICA Y NETWORKING COMPOSTELA SLU
LA FÁBRICA DE SOFTWARE Y HARDWARE SL
EXTRA SOFTWARE SA

5.- O 13.07.2017 reúnese a Mesa de contratación para proceder á apertura do sobre A (documentación administrativa) das entidades licitadoras, acordando requirir a entidade EXTRA SOFTWARE SA a emenda do Anexo II (declaración responsable) para o que se lle concede un prazo de tres días hábiles, admitindo ao resto de ofertas presentadas a licitación.



6.- Na data 20.07.2017 procedeuse en acto interno, por parte da Mesa de contratación, á avaliación da documentación de emenda presentada en tempo e forma pola empresa EXTRA SOFTWARE, acordando a súa admisión. A continuación en acto público procédese a apertura do sobre B (Documentación non avaliable mediante fórmulas), acordando a exclusión da entidade EXTRA SOFTWARE SA por non presentar a documentación en soporte dixital, incumprindo o establecido na cláusula 5.4.1 do prego de cláusulas administrativas (PCAP).

Na mesma data, acordouse remitir aos vogais técnicos a documentación presentada no sobre B do resto de entidades para que emitan un informe sobre a valoración das ofertas presentadas polas mesmas, sen prexuízo da posibilidade de asistencia que establece a cláusula 6.5.1 do prego de cláusulas administrativas particulares.

7.- Con data 21.07.2017 resolveuse o nomeamento para a elaboración do informe técnico que permita valorar os criterios non avaliábles mediante fórmulas.

8.- A mesa de contratación, na súa reunión do 21.08.2017, visto o informe da oferta técnica (sobre B) elaborado pola entidade nomeada ao efecto segundo a cláusula 6.5.1 do PCAP, e dando todos os membros a súa aprobación, o Presidente da lectura da puntuación total obtida polos licitadores respecto dos criterios de adxudicación non avaliábles mediante fórmulas, a cal se reproduce na seguinte táboa:

Criterios non avaliábles mediante fórmulas	ENTIDADES				
	ELECTRONICA NOROESTE SG, SL	LA FÁBRICA DE SOFTWARE Y HARDWARE SL	UTE BUGADERIA ZURIZURI SL- LOGISTICA & RFID SYSTEMS SL- INFORMÁTICA Y NETWORKING COMPOSTELA SLU	UTE SEVERIANO SERVICIO MÓVIL SA- MÉDICAL MODULAR SYSTEM SA	SUMINISTROS TÉCNICOS DE GALICIA SL (SUTEGA)
Proposta funcional (20 puntos)	17	11	17	8,50	7,50
Proposta tecnolóxica (15 puntos)	13,50	11,40	8,10	9,30	7,80
Plan do proxecto (13 puntos)	11,89	6,69	9,47	8,17	7,06
TOTAL	42,39	29,09	34,57	25,97	22,36

Nese mesmo acto e despois da apertura do sobre C, acordouse remitir aos vogais técnicos a documentación presentada no sobre C polos licitadores para que emitan un informe sobre a valoración das ofertas presentadas polas mesas, sen prexuízo da posibilidade de asistencia que establece a cláusula 6.5.1 do PCAP.

9.- Con data 21.08.2017 resolveuse o nomeamento para a elaboración do informe técnico que permita valorar os criterios avaliábles mediante fórmulas.

No informe realizado ao efecto advírtese que as ofertas económicas das seguintes entidades poden considerarse en baixa anormal ou desproporcionada:

- LA FÁBRICA DE SOFTWARE Y HARDWARE



- UTE SEVERIANO SERVICIO MÓVIL SA-MEDICAL MODULAR SYSTEM SA
- SUMINISTROS TÉCNICOS DE GALICIA SL

10.- Tralos requirimentos ás citadas entidades para que xustificaran as súas ofertas económicas, na data do 14.09.2017 remítense aos vogais técnicos as xustificacións das baixas temerarias solicitadas para que se emita o correspondente informe de valoración, concluíndo que a entidade SUMINISTROS TÉCNICOS DE GALICIA SL non presenta documentación ao respecto e a xustificación presentada polos outros dous licitadores non acredita a viabilidade da oferta presentada.

11.- A mesa de contratación, na súa reunión do 25.09.2017, unha vez recibido o informe técnico e aprobado o mesmo, acorda propoñer ao órgano de contratación a exclusión das ofertas presentadas polas entidades LA FÁBRICA DE SOFTWARE Y HARDWARE SL, UTE SEVERIANO SERVICIO MÓVIL SA- MEDICAL MODULAR SYSTEMA SA e SUMINISTROS TÉCNICOS DE GALICIA SL, segundo establece a cláusula 6.4.1 do PCAP e o artigo 152.4 do Texto Refundido da Lei de Contratos do Sector Público. Excluídas as citadas entidades, a puntuación total acadada polas empresas que continúan na licitación foi a seguinte:

ENTIDADE	ELECTRONICA NOROESTE SG, SL	UTE BUGADERIA ZURIZURI SL- LOGÍSTICA & RFID SYSTEMS SL- INFORMÁTICA Y NETWORKING COMPOSTELA SLU
SOBRE B	42,39	34,57
SOBRE C	52,00	45,84
TOTAL	94,39	80,41

Nese mesmo acto, a mesa de contratación, de acordo coas puntuacións obtidas polos licitadores, acordou requirir á entidade ELECTRÓNICA DEL NOROESTE SG,SL, para que no prazo de 10 días hábiles presentase a documentación esixida na cláusula 7 do PCAP.

12.- Completada a documentación requirida, a Mesa de contratación, na súa reunión do día 7.11.2017 considera correcta a documentación presentada pola entidade **ELECTRÓNICA DEL NOROESTE** e acordou formular ao órgano de contratación a correspondente proposta de adxudicación do contrato da subministración, instalación e posta en marcha de novas tecnoloxías nos centros públicos de atención a persoas maiores e con discapacidade, de titularidade e xestión propia da Xunta de Galicia.



CONSIDERACIÓNS LEGAIS E TÉCNICAS

Primeiro.- Motivación da adxudicación: Dunha banda e de acordo co previsto pola cláusula 6.5.1 do prego de cláusulas administrativas particulares que rexen a presente contratación, a solicitude da mesa de contratación, elaborouse un informe técnico de data 15/09/2015 para a valoración das ofertas, de acordo aos criterios non avaliábles mediante fórmulas establecidos no apartado 5.4 do prego de cláusulas administrativas particulares. Do contido do citado informe, despréndese a seguinte valoración das propostas:

Electrónica del Noroeste presenta unha das propostas funcionais máis completa, detallada e adaptada aos requisitos do proxecto. Describe moi en detalle a iteración do usuario co sistema, que resulta fácil e intuitivo. A nivel tecnolóxico, a súa proposta é a mellor valorada porque é a que máis se axusta ás funcionalidades requiridas e ofrece a maior facilidade de implantación, ampliación, evolución, mantemento e acceso web. Respecto ao plan de proxecto, a oferta de Electrónica Noroeste é a de maior calidade en termos de descrición de tarefas, cronograma, metodoloxía, procesos e equipo de traballo. Así mesmo, contén a proposta de entregables máis completa e detallada de todas as presentadas. Con todas estas características, esta oferta obtén a maior puntuación de entre todas as presentadas.

Infonet-Logifid-Zurizuri obtén a maior puntuación na parte funcional ao incluír a descrición de módulos funcionais máis completa e propoñer o maior número de aspectos innovadores. Tamén describe moi en detalle a iteración do usuario co sistema, que resulta fácil e intuitivo. A nivel tecnolóxico esta proposta obtén menor puntuación que outras ofertas, debido a que a arquitectura proposta ofrece menor facilidade de implantación, ampliación, evolución e mantemento que algunhas das súas competidoras. No plan de proxecto esta proposta presenta unha descrición de tarefas, cronograma, metodoloxía, procesos e equipo de traballo completa, con todo, a súa proposta de entregables non é das mellores nin está tan detallada como algunha das súas competidoras. Con todas estas características, a oferta de Infonet-Logifid-Zurizuri é a segunda mellor puntuada.

A Fábrica de Software presenta unha proposta funcional adaptada ás necesidades do proxecto, pero esta é menos completa e detallada que a doutras ofertas. Presenta aspectos innovadores a nivel funcional, pero non describe de forma detallada a iteración do usuario co sistema. A nivel tecnolóxico, a súa proposta é unha das mellor valoradas porque esta axústase ás funcionalidades requiridas e ofrece facilidade de implantación, ampliación, evolución, mantemento e acceso web. No plan de proxecto, esta proposta presenta unha descrición de tarefas, cronograma, metodoloxía, procesos e equipo de traballo menos detallada e completa que algunhas das súas competidoras. Así mesmo, a súa proposta de entregables está pouco detallada. Con todas estas características, a oferta de Fábrica de Software é a terceira mellor puntuada.

Severiano Servizo Móbil - Medical Modular Systems presenta unha proposta funcional que é menos completa e detallada que as anteriores. A nivel tecnolóxico, a súa proposta axústase ás funcionalidades requiridas, pero ofrece unha menor facilidade de implantación, ampliación, evolución, mantemento e acceso web. No plan de proxecto, esta proposta presenta unha descrición de tarefas, metodoloxía, procesos e equipo de traballo menos detallada e completa que a doutras ofertas, aínda que o seu cronograma e proposta de entregables son bastante detallados. Con todas estas características, a oferta de Severiano Servizo Móbil - Medical Modular Systems é a cuarta mellor puntuada.

SUTEGA - Tag Enxeñeiros presenta unha descrición funcional da solución menos detallada e adaptada ás necesidades do proxecto que a doutras ofertas. A nivel tecnolóxico esta proposta obtén menor puntuación que outras ofertas debido a que a arquitectura proposta ofrece menor maior facilidade de implantación, ampliación, evolución e mantemento que algunhas das súas competidoras. En xeral, a descrición do plan de proxecto é menos completa e menos adaptada ás necesidades do proxecto que a doutras ofertas. Con todas estas características, a oferta de SUTEGA - Tag Enxeñeiros é a que obtén menor puntuación.



Doutra banda e no relativo a puntuación obtida polos licitadores segundo os criterios avaliados mediante fórmulas, esta obtense de xeito obxectivo mediante a aplicación das fórmulas matemáticas incluídas na cláusula 6.5.2 do PCAP constituíndo a correcta aplicación das fórmulas motivación suficiente da puntuación outorgada, según as seguintes ofertas das entidades:

Partidas	Prezo da partida ofertado (sen IVE)				
	ELECTRÓNICA NOROESTE SG,SL	LA FÁBRICA DE SOFTWARE E HARDWARE SL	UTE BUGADERIA ZURIZURI SL-LOGISTICA & RFID SYSTEMS SL-INFORMÁTICA Y NETWORKING COMPOSTELA SLU	UTE SEVERIANO SERVICIO MÓVIL SA-MÉDICAL MODULAR SYSTEM SA	SUMINISTROS TÉCNICOS DE GALICIA SL (SUTEGA)
Chips	134.211€	79.550€	148.800€	117.313,35€	126.445,08€
Sistema de gravación e fixación de chips	57.106,61€	61.000€	63.300€	49.916,68€	64.351,51€
Mesa de clasificación	39.103,92€	42.000€	43.400€	34.180,60€	46.287,93€
Carros de clasificación	28.266,48€	30.600€	31.400€	24.707,63€	33.869,22€
Software, posta en marcha e formación	229.276,88€	230.000€	245.100€	200.410,09€	180.635,83€

Segundo.- Competencia para a resolución deste procedemento. Segundo o disposto nos artigos 151 e 165 do Real Decreto Lexislativo 3/2011, de 14 novembro, polo que se aproba o Texto refundido da Lei de contratos do sector público, polas competencias que teño atribuídas polo artigo 1.º d) da Orde do 3 de marzo de 2016 sobre delegación de competencias nos órganos superiores e nos/as xefes/as dos departamentos territoriais da Consellería de Política Social (DOG n.º 54, do 18 de marzo de 2016), de acordo coas razóns expostas nos citados informes técnicos onde figuran de xeito detallado as características e vantaxes da proposición admitida e as conseguíntes puntuacións obtidas pola oferta nos distintos apartados obxecto de valoración, e de conformidade coa proposta formulada pola Mesa de contratación constituída neste procedemento,

RESOLVO

Primeiro.- Adxudicar a contratación da subministración, instalación e posta en marcha de novas tecnoloxías nos centros públicos de atención a persoas maiores e con discapacidade, de titularidade e xestión propia da Xunta de Galicia á seguinte entidade:

Empresa adxudicataria	TOTAL ADXUDICACIÓN
ELECTRÓNICA DEL NOROESTE SG,SL CIF B15123177	590.437,51€ (IVE engadido)



O cronograma de execución, segundo o previsto na cláusula 9.4 do PCAP será o seguinte:

PLAN DE EXECUCIÓN DO CONTRATO			
	2017	2018	2019
Fitos 1, 2 e 3 (parcial)	162.395,31€		
Resto (fito 3)		150.617€	
Fitos 4 e 5		13.560,49€	263.864,71€
	162.395,31€	164.177,49€	263.864,71€

Segundo.- Ordenar a publicación desta Resolución na mesma data no "Perfil do contratante" da Consellería de Política Social, aos efectos de dar cumprimento ao establecido nos artigos 53 e 151.4 do TRLCSP, e a que se notifique a todos os interesados no procedemento.

Terceiro.- A formalización deste contrato deberá efectuarse non antes dos 15 días hábiles seguintes a aquel no que a entidade adxudicataria reciba a notificación da adxudicación.

Contra esta resolución, que esgota a vía administrativa, cabe interpoñer potestativamente o recurso especial en materia de contratación ao que se refire o artigo 40 do Texto refundido da Lei de contratos do sector público, aprobado por Real decreto lexislativo 3/2011, do 14 de novembro, ante o Tribunal Administrativo Central de Recursos Contractuales no prazo de quince días hábiles a contar a partir do día seguinte a aquel no que se remita a notificación desta resolución. En todo caso, o escrito de interposición do recurso deberá presentarse necesariamente no Rexistro do órgano de contratación ou no Rexistro do Tribunal Administrativo Central de Recursos Contractuales (Avenida General Perón, nº 38, 28020 Madrid; <http://tribunalcontratos.gob.es>), competente para a resolución do recurso (segundo convenio de colaboración entre o Ministerio de Hacienda y Administraciones Públicas e a Comunidade Autónoma de Galicia, publicado no BOE de 25/11/2013) e ao mesmo axuntarse a documentación que establece o artigo 44.4 do TRLCSP. Con carácter previo, de acordo co artigo 44.1 do TRLCSP, deberá anunciarse a interposición do recurso mediante un escrito que se presentará ante o órgano de contratación no prazo previsto no apartado anterior para interpoñer o recurso, e no cal deberá especificarse o acto do procedemento que vai a ser obxecto do mesmo.

En caso de non optar por esta vía, cabe interpoñer directamente un recurso contencioso administrativo perante a sala do contencioso administrativo do Tribunal Superior de Xustiza de Galicia no prazo de dous meses contados desde o seguinte ao da notificación desta resolución, segundo o dispón o artigo 46.1 da Lei 29/1998, do 13 de xullo, reguladora da xurisdición contencioso-administrativa.

Santiago de Compostela, 16 NOV. 2017
O conselleiro de Política Social
(P.D. Artigo 1 da Orde do 3 de marzo de 2016)
O secretario xeral técnico

Francisco Javier Abad Pardo

